



Nuuk, 2. oktober 2009

Inatsisartut suleriaasianni § 36 immikkoortoq 1 naapertorlugu matumuuna Naalakkersuisunut apeqquteqarpunga, ima ittumik:

2010-mut Aningaasanut inatsimmut siunnersuummi sinerissap qanittuani aalisartunut suna iluaqtissaava?

(Inatsisartuni ilaasortaq Doris Jakobsen, Siumut)

Tungavilersuut:

2010-mut Aningaasanut inatsisissaq Inatsisartuni sammineqarmat, Aningaasanut Naalakkersuisoq aperivara 2010-mut AI-ssamut sinerissap qanittuani aalisartunut suna iluaqtissaanersoq.

Akineqarpunga iluaqtissarpasuaqartoq Aalisarnermullu Naalakkersuisoq aalisartunut oqaloqatiginnittoq. Soorunami akissut tamanna naammaginartutut isumaqarfiginnginnakku apereqqippara nassuiaateqaqqullugu sorphaat iluaqtissatut isigineraat, taamaattoq apeqqut Aningaasaqarnermut Naalakkersuisup akisinnaannginnamiuk apeqqutiga Aalisarnermut Naalakkersuisumut ingerlateqqeqquaa.

Tamanna tungavigalugu aammaarlunga apeqqutigeqqissuara 2010-mut Aningaasanut inatsimmut siunnersuummi sinerissap qanittuani aalisartunut suna iluaqtissaanersoq?

Eqqaasitsissutigissavara suliffiusut ullut qulit qaangiutsinnagit apeqqutiga akineqarsimassasoq.

Ikinngutinnersumik inuulluaqqusillunga

Doris Jakobsen, Siumut